

ĀDUNIYA KULU BŌRŌ DAAMA BEIYANIYOM

SENNI ZIIGO

Ka simma nna buricinitere ka n bōrō ŋwene iyaali bei nna daama duuri ka bōrō fō su hini ka hoŋu n se ya bara bōŋō duuri nna laakari kaniyom āduniya kuna,

Ka simma nna ka bōrō daama duuri bara hei fō ka sariya hima a ma cēruma ka bōrō mōrani nna tilaasi guruje nna meiyom bereketē nna kwene bōrō futu,

Ka simma nna naane ka āduniya zamaa sariya nyâ dam daama duuri ga buricinitere nna bōrō jirima bōŋō nna kwene daama ka a gono weibōrō nna harubōrō ciyom afō gonouom kuna,

Ka simma nna ka bine a hima gō rōkasine hennō ma gono ganna nna ganna ŋmaaniyo binni n hānu kulu mōjjine kweiyom dirōu ga,

Ka simma nna ka āduniya zamaa diya mariga beeri, tabataniyom mēfo ceejiyom ka n baa āduniya ganna zamaa kulu ma tō daama duuri hini ga nna a zaamani safu ŋwaani ŋwaani ka n damyom nna daama duuri ko ga a jirimani ko beiyom tōntōni ceeji a bōŋō,

Ka simma nna ka āduniya zamaa marga beeri tutu ka ŋayo ba mē cineyo kulu cii kawa bōrō ŋwene āduniya daama duuri hini ga,

Ka simma nna ka mēcineyo cimaniyo ya ba nam daama duuri gweiyo ma dira dei-dei,

āduniya zamaa marigā beiyani bōrō ŋwene daama duuri ādininya kuna gwei cirici ka a hima zaamani an kokari kō ci tēnte n ŋmaare ba mani za couyom hini kuna beiyom ceejiyom, ga, bōrō kulu ma mē cine di ci a ŋwene ganna zamaayom kulu mō ma duwa ka geeri tila cirici wō ga. Za ganna ŋmaani ŋmaaniyom kuna hali an to āduniya zama kulu.

ASARIYA SINTE (1)

Aduniya kuna n gu ibuna damayo hei nō dei-dei nn daama nna n burucinitere fō, n lasabu nna laakari ya nam nn mō huro cere kuna nyanze tere bōŋō.

ASARIYA HINKANTE (2)

Baa mei hima a ma gonna daama nna bōŋō meiyom zaŋa ka daama bei beiyaniyom mē cine na a siriyani dimi fisōu yo ma sii. Asii nna n ma ci wō nō gaa kware wō nō gaa bii wō nō weibōrō wō nō harubōrō.

A sii nna cine fisōuyom; a sii nna adiini fisōuyom a bine sii nna siyasa fisōuyom.

ASARIYA HINZANTE (3)

Bōrō kulu gonna hunayom nna bōŋō meiyom nna bōŋō naaneyom daama.

ASARIYA TAACINTE (4)

Bōrō fō na hima an ci bōrō fō se tam dee bine n ma mōriya bereketē. A ganna nō n hoŋu tamtere nna mōriyayom bereketē ba hini fō ga.

ASARIYA GUNTE (5)

N su bōrō fō wahalani, n su ga cēnani n bine su ga kamani.

ASARIYA IDDUNTE (6)

Sariya ganna baa mani boro gono a hima an saria ganna.

ASARIYA IYENTE (7)

Iri kulu afo sariya majine ya no bine sariya di gu iri kulu ceruma.

ASARIYA AIYAAKUNTE (8)

Batume gono bamei se dee boro na sariya daali n ma cee goosi sariyayo di majine ka yii ko beiyom.

ASARIYA EGANTE (9)

Hini sii boro fo se a ma hacine dii ka daabu cu a ma gei, dee bine a ma kaa kwaara ka na cii taalifo boro.

ASARIYA WEINTE (10)

Hini gono bamei se an goosi ce; goosi ka a ba hini ka a no cimi cu a ma tagarani a daama nna a tilasi boro.

ASARIYA WEICINFONTE (11)

Ba n taali damyom nga se goosi ma a ciba n faaba kwe yo majine n ma du ka n ci taali kwe.

A sii na n ma boro no taali daa fo boro ka sariya dom na a jisi. Ya no bine hana gunguyom ka a bisa sasariya sii. Sariya zaka ya hima hana gunguyom.

ASARIYA WEICINI HINKANTE (12)

Boro fo su mee dam boro fuu senni kuna berেকে. Ya no bine boro fo sii nna a ma hancasine jirima zobu. Sariya bamei ceruma nna alaamari zana yayo.

ASARIYA WEICINI HINZANTE (13)

Daama gono bamei se a ma kwei nuju ka a baa kulu.

A ma goro kwaara ka a sawayom a se a ma tunu saa ka a bine baa.

ASARIYA WEICINI TAACINTE (14)

Bamei ka sanani na n gaari n kwaara kuna daama gono n se n ma gana kwaara nwaani ka hini ceeji n ma n ta yoo.

Daama di su go n daabu dee a bara nna boro wii cu bine daa berেকে fo yo ka aduniya zamaa mariga beeri hore.

ASARIYA WEICINI GUNTE (15)

Bamei kulu hima a ma gonna dimi.

N su hini ka hore boro se a dimi takii boro.

Asariya weicini idunte (16)

Dee bɔrɔ kɔ̃ tɔ balaga a sii nna ma dimi nna adiini fisɔu wei nna haru sɛ domi daama fɔ di nɔ n kulu gonna za n hiije waati hali n fefeiyom saa.

N su hini ka hiije hɔu ka a na ci nna n bɔrɔ hinka kulu bakasine.

Iyaali ya bara zaamani safu ci cirici a ganna nɔ gominanti ga a cɛruma.

Asariya weicini iyente (17)

Bamei, n bɔɲɔ̃ fɔ nɔ, noo zamaa nɔ, daama gono wɔ gonna duuri.

A sii n ma bɔrɔ gaɲa a duuri takii bɔɲɔ̃.

Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n bɔɲɔ̃ fɔ ɔu noo zamaa ko ga loo zaɲa ka a sawa noo sɛ.

Asariya weicini egante (19)

Bamei kulu gonna lasabu nna senni daama. A sɛ ganna nɔ bɔrɔ su ba heifo senni ɔu lasabu ko dirigoyom hei ka a bine ba senni kulu hini ka sei ba mani.

Asariya warankante (20)

Bamei kulu gonna kummayom nna igwe kuna gonoyom daama.

N su bɔrɔ tilasi igwe fɔ kuna wuroyom.

Asariya waranka cinifɔnte (21)

Bamei gonna daama a ma wuro a kwaara senni kuna a bɔɲɔ̃ ɔu a barani ka a fisɔu.

Bamei kulu afɔ bɔɲɔ̃ gonna daama a ma gwei tɛ a kwaara gominanti sɛ.

Hei ka zamaa zaa ya bara kwaara yiiko. Zaayom di mo bara ka nna a tɛtɛ biri.

Asariya waranka cini hinkante (22)

Ni ka kulu n gono zamaa kuna hima nɔ n ma gonna zamaa di naane daama. A ma du kɔ̃ bara n bukaata mɔ̃ biyayom zaa almani nna taadayo daama duuri hini ga heiyo wɔ kulu nna kwaara zaama gaabi nna bine gɔrɔ ka sine heinnɔ kwarayo ɲwene alkawali hini ga. Ka simma nna zaɲa ka metɛ yaasi kwaara fɔ fɔ na ɲwene almani siriyani.

Asariya waranka cini hinzante (23)

Bamei gonna daama a ma gwei ka ɔ̃ baa fisɔu. Ya nɔ bine n ga a cɛruma nna gwei zaɲɛi.

Bamei munaafinsi baasi gonna gwei ka n tɛ banayom daama.

Ni ka n gwei tɛ kulu gonna banayom dei-dei daama ka a ba tɔ ni n ma n ɲwene iyaali kɔtɔ nna beere bɔɲɔ̃.

Bamei gonna daama a ma gweiteeriyo zogi taayom igwe safu jisi a bine ba hini ka a bɔɲɔ̃ dam a fɔ ɲwaani ku na a bɔɲɔ̃ bukaata fansayom ganna.

Asariya waranka cini taacinte (24)

Bamɛi gonna gwei hinanzobu nna hɔɔrɛ daama gwei keiyaniyom zaka nna gwei hinanzobu kuna banayom saa nna saa.

Asariya waranka cini guntɛ (25)

Bamɛi gonna jisiri daama ka a ba hini ko ga ɲwɛnɛ alaafia nna a iyaali kulu cɛruma nna, zaa ɲwaari, taafɛ, fuu nna baabuyom. Dee a bara sariti ya du ni ɔu binɛ gwei ya sara musiiba ya na n zeeri, zeenɛ nɔ, dee binɛ arooba fɔ ka a na ci n saabu a bara tilasi n ma duwa tɛɛ mako daama.

Wei kunu kweiyo, koo ɲwɛɛrayo gonna tɛɛmako nna kulayom daama. Koo kulu ka nna hɛi hiije bɔɲɔ, ka du ka nam ɲɲa ka n hɛi hiije si bɔɲɔ nn kulu gonna kulayom daama.

Asariya waranka cini iduntɛ (26)

Bamɛi gonna couyom daama. Couyom di ma du ka bara tilasi faala bɔɲɔ za coubugu cɛnɛ ka kwei sasa wantɛyo kammɛ gwei dendeniyom coubugu ɲɲa cɛrɛ hima n ma feeri bamani. Coubugu beeri n ma ɲɲa feeri nuɲu ka a hima.

Couyom di ma bara hɛifo ka a mɔɔ feeriyom nna jiri ma nufi daama duuri hini ga a ma ci saabu suuru nna kwaasitere ma tɛɛ dimiyo nna adiiniyo binni laakari kaniyom nna wadaata ma tɛ bamɛi sɛ.

Nyaa nna baabɛ gonna daama n ma couyo ka n baa fisɔu n kɔyo sɛ.

Asariya waranka cini iyentɛ (27)

Bɔrɔ kulu gonna daama a ma wuro a dimi taada kuna ka a hukumsi.

Bamɛi gonna daama taadayo kuna a ma a kaayom taago liiba ɲwaa; tila kaayom nɔ, ɔu hɔɔrɛ taago.

Asariya waranka cini iyaakuntɛ (28)

Bɔrɔ kulu gonna daama a ma tɛ hɛi ka kwaara nna kwaara binni, nuɲu birijiyom ma si. Laakari kaniyom nna bɔɲɔ mɛiyom mo gono zɲɲa ka nna beiyani bɔrɔ ɛɗuniya daama tila kuna a ma duka bara mɔɔriyantɛ.

Asariya waranka cini ɛgantɛ (29)

Bɔrɔ gonna tilasiyo zamani ka kuna a gono. Zamani di ka kuna a fɔlɔnku bɔrɔ tɛrɛ nna a jirima hini ka tɛ.

A daama nna a bɔɲɔ mɛiyom looyom kuna nɔ sariya tikite a sɛ a ma duwa ko bɔrɔ cinniyo daama nna n bɔɲɔ mɛiyom bei n sɛ. Macɛrɛsɛ mo gono bamɛi sɛ.

N su ba hini ka daama nna bɔɲɔ mɛiyo di loo ka na cii zɲɲa ka yaasi ɛɗuniyakwaara diyayo marigayom na a jisi.

Asariya waranzantɛ (30)

Beiyanियom wɔ looyom ga siriya fɔ sii ka a ba nam kwaara fɔ su safu fɔ dee binɛ bɔrɔ ma tunu ka kɔɔnɛ ko ceeji gɛɲna zamaa ma daama duuri nna bɔɲɔ mɛiyom di ka n dam tila kuna saabu.